

საქართველოს კანონი  
საქართველოს სისხლის სამართლის საპროცესო კოდექსში  
ცვლილების შეტანის შესახებ

**მუხლი 1.** საქართველოს სისხლის სამართლის საპროცესო კოდექსში (საქართველოს საკანონმდებლო მაცნე, N31, 03.11.2009, მუხ.190) შეტანილ იქნეს შემდეგი ცვლილება:

**1. მე-3 მუხლს დაემატოს შემდეგი შინაარსის 37<sup>1</sup> ნაწილი:**

„37<sup>1</sup>. პირის იდენტიფიცირების შეზღუდვა - ოპერატიულ-სამძებრო ღონისძიებაში ან ფარულ საგამოძიებო მოქმედებაში მონაწილე პირის ვინაობის დაფარვა, ნებისმიერი სახის საიდენტიფიკაციო მახასიათებლის დაშტრიხვით, დაბლარვით, ვიზუალიზაციის შეზღუდვისათვის კომუნიკაციის დისტანციური საშუალებების გამოყენებით ან/და ნებისმიერი სხვა ისეთი საშუალებით, რომელიც სამართალწარმოების ნებისმიერ ეტაპზე გამორიცხავს მისი ვინაობის იდენტიფიცირებას ან/და ამოცნობას;“.

**2. მე-14 მუხლის მე-2 ნაწილი ჩამოყალიბდეს შემდეგი რედაქციით:**

„2. მხარეს უფლება აქვს, სასამართლოში მოითხოვოს მოწმის უშუალოდ დაკითხვა და წარადგინოს საკუთარი მტკიცებულება. ოპერატიულ-სამძებრო ღონისძიებაში ან ფარულ საგამოძიებო მოქმედებაში მონაწილე ის პირი, რომელიც თანამშრომლობს გამოძიების ორგანოსთან და რომლის ვინაობა პროკურორის გადაწყვეტილებით დაფარულია, დაიკითხება დისტანციურად, იმგვარად რომ დაცული იყოს დაცვის მხარის მიერ მისი იდენტიფიცირების ან/და ამოცნობის შესაძლებლობა.“.

**3. 83-ე მუხლს დაემატოს შემდეგი შინაარსის 5<sup>1</sup> ნაწილი:**

„5<sup>1</sup>. თუ მიღებულია გადაწყვეტილება ოპერატიულ-სამძებრო ღონისძიებაში ან ფარულ საგამოძიებო მოქმედებაში მონაწილე იმ პირის ვინაობის დაფარვის შესახებ, რომელიც თანამშრომლობს გამოძიებასთან, დაცვის მხარეს ამ მოქმედებისა და ყველა სხვა საგამოძიებო/საპროცესო მოქმედების ამსახველი მტკიცებულებები გადაეცემა ამ პირის ვინაობის იდენტიფიცირებისგან დამცავი და ამოცნობის შესაძლებლობის შემზღუდავი ფორმით.“.

**4. 115-ე მუხლს დაემატოს შემდეგი შინაარსის მე-9 ნაწილი:**

„9. ოპერატიულ-სამძებრო ღონისძიებაში ან ფარულ საგამოძიებო მოქმედებაში მონაწილე პირი, რომელიც თანამშრომლობს გამოძიების ორგანოსთან და რომლის

ვინაობა პროკურორის გადაწყვეტილებით დაფარულია, მოწმედ დაიკითხება დისტანციურად, იმგვარად რომ დაცული იყოს დაცვის მხარის მიერ მისი იდენტიფიცირების ან/და ამოცნობის შესაძლებლობა.“.

#### **5. კოდექსს დაემატოს შემდეგი შინაარსის 118<sup>1</sup> და 118<sup>2</sup> მუხლები:**

##### **„მუხლი 118<sup>1</sup>. პირის იდენტიფიცირების შეზღუდვა**

1. გენერალური პროკურორის ან მისი მოადგილის თანხმობით, პროკურორი უფლებამოსილია დაფაროს ოპერატიულ-სამძებრო ღონისძიებაში ან ფარულ საგამომიებო მოქმედებაში მონაწილე იმ პირის ვინაობა, რომელიც თანამშრომლობს გამოძიებასთან, თუ გამჟღავნებით ზიანი ადგება მოთანამშრომლე პირის უსაფრთხოებას ან/და არსებითად ხელყოფს მართლმსაჯულების ინტერესს.
2. ბრალდების მხარე უზრუნველყოფს საგამომიებო მოქმედების ამსახველ ყველა დოკუმენტში, მასალაში და სხვა საპროცესო მოქმედებებში ვინაობის იმგვარად დაფარვას, რომ შეიზღუდოს პირის ვინაობის იდენტიფიცირების და ამოცნობის შესაძლებლობა.
3. ოპერატიულ-სამძებრო ღონისძიებაში ან ფარულ საგამომიებო მოქმედებაში მონაწილე პირის იდენტიფიცირების შეზღუდვის შესახებ პროკურორის გადაწყვეტილების მიუხედავად, მისი ვინაობა, საქმის წარმოების ყველა ეტაპზე, ხელმისაწვდომია მოსამართლისთვის.

##### **მუხლი 118<sup>2</sup>. პირის იდენტიფიცირების შეზღუდვის ვადა**

1. ოპერატიულ-სამძებრო ღონისძიებაში ან ფარულ საგამომიებო მოქმედებაში მონაწილე პირის იდენტიფიცირების შეზღუდვა შესაძლებელია გამოყენებულ იქნეს უვადოდ.
2. გენერალური პროკურორის ან მისი მოადგილის თანხმობით, პროკურორი უფლებამოსილია საქმის განხილვის ნებისმიერ ეტაპზე, დასაბუთებული გადაწყვეტილებით, მოხსნას პირის იდენტიფიცირების შეზღუდვა.“.

#### **6. 135-ე მუხლის პირველი ნაწილი ჩამოყალიბდეს შემდეგი რედაქციით:**

„1. გამოკითხვის ოქმში უნდა აღინიშნოს გამოსაკითხი პირის სახელი, გვარი, ასაკი, მოქალაქეობა, განათლება, სამუშაო ადგილი, საქმიანობა ან/და თანამდებობა, საცხოვრებელი ადგილი, ოჯახური მდგომარეობა, მისი ურთიერთობა ბრალდებულთან თუ დაზარალებულთან, მის მიერ მიწოდებული ინფორმაციის შინაარსი, მისი დამოკიდებულება სასამართლოში გამოცხადებისა და ჩვენების მიცემისადმი, აგრეთვე ამ კოდექსის 113-ე მუხლით გათვალისწინებული სხვა ინფორმაცია. გამოკითხვის ოქმში არ აღინიშნება ოპერატიულ-სამძებრო ღონისძიებაში ან ფარულ საგამომიებო მოქმედებაში

მონაწილე იმ პირის ვინაობის მაიდენტიფიცირებელი მონაცემები, რომელიც თანამშრომლობს გამოძიების ორგანოსთან და რომლის ვინაობა პროკურორის გადაწყვეტილებით დაფარულია.“.

**7. 243-ე მუხლს დაემატოს შემდეგი შინაარსის მე-5 ნაწილი:**

„5. ამ კოდექსის 118<sup>1</sup> მუხლით გათვალისწინებული ის პირი, რომელიც თანამშრომლობს გამოძიებასთან და რომლის ვინაობის გამჟღავნებით საფრთხე ექმნება ამ პირის უსაფრთხოებას ან/და არსებითად ზიანდება მართლმსაჯულების ინტერესი, მოწმედ დაიკითხება დისტანციურად, იმგვარად რომ დაცული იყოს დაცვის მხარის მიერ მისი იდენტიფიცირების ან/და ამოცნობის შესაძლებლობა.“.

**მუხლი 2.** ეს კანონი ამოქმედდეს გამოქვეყნებისთანავე

საქართველოს პრეზიდენტი

მიხეილ ყაველაშვილი